

---

OFFERYNNAU STATUDOL CYMRU

---

**2014 No. 3278**

**Rheoliadau Tenantiaethau Diogel (Sail Absoliwt ar  
gyfer Meddiannu am Ymddygiad Gwrthgymdeithasol)  
(Y Weithdrefn Adolygu) (Cymru) 2014**

**Y weithdrefn mewn gwrandawriad**

7.—(1) Rhaid i'r gwrandawriad gael ei gynnal gan berson a benodir gan y landlord at y diben hwnnw, a gaiff fod yn swyddog neu'n gyflogai i'r landlord.

(2) Rhaid i berson a benodir o dan baragraff (1) sy'n swyddog neu'n gyflogai i'r landlord fod yn berson â safle uwch na'r person a wnaeth y penderfyniad gwreiddiol.

(3) Rhaid i'r person y cyfeirir ato ym mharagraff (1) beidio â bod yn berson a oedd yn rhan o wneud y penderfyniad gwreiddiol.

(4) Rhaid cynnal y gwrandawriad ar ffurf mor anffurfiol â phosibl ac yn unol ag unrhyw gyfarwyddydau a roddir gan y person sy'n cynnal y gwrandawriad.

(5) Yn y gwrandawriad caiff y ceisydd—

- (a) gwneud sylwadau llafar neu ysgrifenedig sy'n berthnasol i'r penderfyniad sydd i'w wneud ar yr adolygiad;
- (b) bod gyda pherson arall neu gael ei gynrychioli gan berson arall a benodir gan y ceisydd at y diben hwnnw (pa un a yw'r person hwnnw wedi ei gymhwyso'n broffesiynol ai peidio);
- (c) galw personau i roi tystiolaeth ar unrhyw fater sy'n berthnasol i'r penderfyniad sydd i gael ei wneud ar yr adolygiad; a
- (d) gofyn cwestiynau i unrhyw berson sy'n rhoi tystiolaeth yn y gwrandawriad.

(6) Caiff y person a wnaeth y penderfyniad gwreiddiol fynd i'r gwrandawriad a chaiff wneud unrhyw un neu ragor o'r pethau y caiff y ceisydd eu gwneud yn unol â pharagraff (5).

(7) Mae gan berson a benodir yn gynrychiolydd yn unol â pharagraff (5)(b) yr un hawliau â'r ceisydd (neu, yn ôl y digwydd, y person a wnaeth y penderfyniad gwreiddiol) at ddibenion cynnal y gwrandawriad.